



Broj/Број: 01/2a-50-1-2-12/07
Sarajevo/Сарајево, 04.09..2007.

ZAPISNIK

12. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 04.09..2007. godine

Sjednica je počela u 15.30 sati i vodio ju je predsjednik Komisije Slavko Matić. Sjednici su prisustvovali sljedeći članovi Komisije: Slavko Matić, Sadik Ahmetović, Sefer Halilović, Azra Hadžiahmetović, Denis Bećirović, Milica Marković te Davorin Semenik – privremeni sekretar Komisije.

Odsutni su bili Azra Alajbegović, Husein Nanić i Milorad Živković.

Sjednici su prisustvovali i pozvani gosti i predstavnici predlagača: Miroljub Krunić, ispred Ministarstva finansija i trezora BiH i Ismet Šečić, ispred Ministarstva prometa i komunikacija BiH.

Zapisnik su vodili studenti – stažisti Lejla Isović i Mirjana Brčkalo.

Potom je predsjednik Komisije predložio sljedeći

DNEVNI RED

1) Davanje suglasnosti za ratificiranje:

- a. Sporazuma o zračnom saobraćaju između BiH i Islamske Republike Pakistan (Predlagatelj: Ministarstvo transporta i komunikacija BiH);
- b. Sporazuma o finansiranju –Dodatno finansiranje za projekat razvoja zajednica- između Bosne i Hercegovine i Međunarodne asocijacije za razvoj (Predlagatelj: Ministarstvo finansija i trezora BiH);
- c. Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u Bosni i Hercegovini (Predlagatelj: Ministarstvo finansija i trezora BiH);

2) Tekuća pitanja

Predloženi dnevni red je jednoglasno usvojen.

Ad.-1. Davanje saglasnosti za ratificiranje Sporazuma o zračnom saobraćaju između BiH i Islamske Republike Pakistan (Predlagatelj: Ministarstvo transporta i komunikacija BiH);

Predstavnik Ministarstva transporta i komunikacija, g. Ismet Šečić je dao kratko izlaganje o ovom sporazumu. Istakao je da je Predsjedništvo BiH donijelo odluku za pokretanje inicijative za zaključivanjem ove vrste sporazuma sa Islamskom Republikom Pakistan. Potom je dodao da je delegacija BiH tokom pregovora obećala da će na sebe preuzeti dio obaveza. Ovaj Sporazum su ugovorne strane potpisale u želji da promoviraju međunarodni sistem zrakoplovstva koji se zasniva na konkurenciji između zrakoplovnih prijevoznika na tržištu uz minimalno uplitanje vlade i regulative kao i da olakšaju širenje mogućnosti međunaordnog zračnog prometa. Dodao je da efikasan i konkurentan međunarodni zračni promet poboljšava trgovinu, dobrobit potrošača i ekonomski razvoj.

Svi članovi Komisije su bili za davanje saglasnosti za ratificiranje ovog Sporazuma.

Ad.-2.: Sporazuma o finansiranju – Dodatno finansiranje za projekat razvoja zajednica - između Bosne i Hercegovine i Međunarodne asocijacije za razvoj (Predlagatelj: Ministarstvo finansija i trezora BiH);

Uvodno izlaganje dao je Miroljub Krunić, ispred Ministarstva finansija i trezora BiH. Istakao je da je Predsjedništvo BiH je na svojoj šestoj sjednici održanoj 18. januara 2007. godine prihvatilo predmetni Sporazum i za njegovo potpisivanje ovlastilo g. Dragana Vrankića, ministra finansija i trezora Bosne i Hercegovine, kojeg je i nadležni ministar potpisao 05. juna 2007. godine u Sarajevu. Potom je dodao da je ovaj projekat bio aktuelan još 2001. godine. Međunarodna asocijacija za razvoj je ovim Sporazumom se saglasila da odobri Bosni i Hercegovini, pod uvjetima i rokovima koji su propisani, kredit u iznosu u protiv vrijednosti od tri miliona i četiri stotine hiljada posebnih prava vučenja kako bi pomogla u finansiranju projekta. Sredstva iz ovog Sporazuma se dijele na entitete. Kao temeljne ciljevi projekta je naveo sljedeće: unapređenje osnovnih službi i objekata za zajednice sa niskim dohotkom i siromašne zajednice u opštinama koje nemaju dovoljno usluga kao i unapređenje upravljanja i kapaciteta u lokalnim vladama za obezbjeđenje službi i pružanje usluga siromašnim zajednicama kroz partnerstvo sa zajednicama. Predložio je članovima Komisije da daju saglasnost za ratificiranje ovog Sporazuma.

Svi prisutni članovi su bili za.

Ad.-3.: Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u Bosni i Hercegovini (Predlagatelj: Ministarstvo finansija i trezora BiH);

G. Krunić, ispred Ministarstva finansija i trezora, je istakao da je ovaj Sporazum potpisan u cilju učvršćivanja prijateljskih odnosa dvaju država kao i sa namjerom da se reforma pravosuđa u Bosni i Hercegovini uspješno nastavi. Naime, Kraljevina Norveška omogućava Visokom sudskom i tužilačkom vijeću BiH, kao instituciji države BiH, primanje finansijske pomoći u iznosu od 580.000 eura i to, doprinosa za finansiranje projekta renoviranje zgrade za smještaj Okružnog suda Istočno Sarajevo - u ukupnom iznosu od 490.000 eura i doprinosa za finansiranje projekta obnove dijelova zgrade u kojoj su smješteni Kantonalni sud u Sarajevu i Općinski sud u Sarajevu, u iznosu od 90.000 eura. Potom je dodao da ovaj sporazum ostaje na snazi u periodu od 5 godina od dana njegovog objavljivanja.

Svi članovi Komisije su bili za davanje saglasnosti za ratificiranje ovog Sporazuma.

Ad.-4.: Tekuća pitanja

Predsjednik Komisije je sugerisao na potrebu održavanja sastanka potkomisije za rad na zakonu o proceduri sklapanja međunarodnih sporazuma i ugovora u sastavu Matić, Marković i Alajbegović, u cilju razmatranja postojećeg zakona i davanja sugestija na isti.

Na ovom zasjedanju Komisija je donijela zaključak da se uputi dopis Predsjedništvu BiH i zatraži dostavljanje informacija o tačnosti medijskih tvrdnji o zatvaranju Veleposlanstva BiH u Argentini i Konzulata BiH u Bonnu kao i informaciju o razlozima pomenutih odluka.

Sjednica je završila svoj rad u 16 sati.

PRIVREMENI SEKRETAR
KOMISIJE ZA VANJSKE POSLOVE
Davorin Semenik

PREDSJEDNIK
KOMISIJE ZA VANJSKE POSLOVE
Slavko Matić